

## წარდგენა:

ქართული მხატვრული ფილმი „შერევილები“ ელდარ შენგელაიამ 1973 წელს რეჟო გაბრიადის სცენარის მიხედვით გადაიღო. რეჟო გაბრიადე, მხატვარი, თეატრისა და კინოს რეჟისორი, მწერალი და არაერთი ფილმის სცენარის ავტორია. ფილმში მოთხრობილია ერთი შეხედვით ფანტასტიკურ და დაუჯერებელ ამბავი, ის სავსეა იუმორითა და სახალისო სცენებით და განზოგადების დიდ საშუალებას იძლევა. ელდარ შენგელაიას ფილმებში მუსიკალური გაფორმება ეკუთვნის გია ყანჩელს და ჯანსუფ კახიძეს.

## საინტერესო ფაქტები ფილმის შესახებ:

აღსანიშნავია, რომ ცათმფრენი ფილმისთვის სპეციალურად შექმნეს და ე.წ. „ტროსით“ ხდებოდა მისი გადაადგილება. ხოლო ფილმში მშვენიერი მარგალიტას როლს, რეჟისორის ელდარ შენგელაიას მეუღლე არიანა შენგელაია ასრულებს. ერთაოზის როლს კი 18 წლის დავით ჟღენტი ასრულებს, რომელიც მაშინ ახალი ჩამოსული იყო ოზურგეთიდან და სამსახიობო სკოლაში აპირებდა ჩაბარებას, გამოცდაზე ელდარ შენგელაიამ დაინახა და მაშინვე როლზე დაამტკიცა. **დავით ჟღენტი:** „ელდარი მეხვეწებოდა, აკოცე კაცო ნუ გერიდებო“. იხსენებს მსახიობი, როცა მარგალიტასთვის პორფირეს ხატზე უწევდა დაფიცება.

## თემები დისკუსიისთვის:

- ფილმი ფანტასტიკური კომედიია, რა ხერხებით ცდილობს რეჟისორი დაუჯერებელი ამბის გადმოცემას, რა მინიშნებებს და დეტალებს იყენებს? (მაგ. ციხე ძირგამომპალი ქვევრი, რომელიც ხელი ერთი კვრით შეიძლება გატეხო და ასე შემდეგ)
- როგორ ფიქრობთ, რატომ დაარქვა რეჟისორმა ფილმს „შერევილები“ და ვინ არიან ფილმში ნამდვილი შერევილები?
- აღწერეთ გარემო და ადამიანები, ისაუბრეთ მათზე, როგორები არიან, რომელი პერსონაჟი მოგწონთ და რატომ?
- გქონიათ თუ არა მსგავსი დაუჯერებელი იდეა და თუ გიფიქრიათ მის სისრულეში მოყვანაზე? თქვენი აზრით რადენად დიდია ადამიანის შესაძლებლობები?
- როგორ ფიქრობთ, რა არის ფილმის მთავარი სათქმელი?

## დაწერეთ რეცენზია ფილმზე:

ისაუბრეთ რეჟისორის მანერაზე, იმაზე თუ რა ხერხებით ცდილობს მოგვიყვოს ამბავი, როგორ ცდილობს დაგვანახოს ადამიანთა უარყოფითი თუ დადებითი თვისებები, რა როლს ასრულებს ფილმში იუმორი, ყურადღება გაამახვილეთ მუსიკაზე, რას მატებს ის ფილმს.

## რეკომენდაციები:

მათ ვისაც სურვილი გაქვთ გაეცნოთ ელდარ შენგელაიას უნდა ნახოთ მისი ფილმები:

„არაჩვეულებრივი გამოფენა“, „ცისფერი მთები“ და სხვა..